

سنه لکی در سعادت ایچون مجیدیه
بکرمی غروش حسابیه التمش
غروشدر

طشره ایچون پوسته اجرقت اوله رق
اون بش غروش ضم اولنور

نسخه سی ۴۰ پاره در

تجدیدیه محاکمات

آبونه اولق ایستینلر دائره عدلیه ده
اداره مخصوصه سنه مراجعت
ایتملدر

اعلانک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تجربین و تحولات

درامه سنجایی بدایت محکمه سی اعضا لغه
وودینه قضایی بدایت محکمه سی اعضا سندن میخالا کی
افندی

لنقطه قضایی بدایت محکمه سی اعضا لغه
استروجه قضایی بدایت محکمه سی اعضا سندن نوری
افندی

استروجه قضایی بدایت محکمه سی اعضا لغه
کوکلی قضایی بدایت محکمه سی مستنطقی لامی
افندی

کوکلی قضایی بدایت محکمه سی مستنطق لکنه
لنقطه قضایی بدایت محکمه سی اعضا سندن جمال
افندی تعیین اولنلشدر

تبلغات

افراد طرفندن افعال جرمیه به دائر اعطا اولنان
اخبار نامه لرك تمغا رسمه تابع اولوب اولدینی
خصوصنده تردد اولندیغندن بخله استفسار معاملیه
متضمن بتلیس ولایتی استیناف محکمه سی مدعی
عمومیلکندن وارد اولان ۹ تشرین اول سنه ۳۲۳
تاریخی شقه انجمن عدلیه به لدی الحواله قباحت
وجنحه وجنایت امورینه متعلق بالجله معاملاتی ناطق
اورا قک نسخ اصلیه سیله قانوناً تبلیغی لازم کلان
صورتلرینک تمغا رسمه غیر تابع بولندینی رسم تمغا
قانونک معافیاته دائر اولان فصلنک سکنجی بندنده
محور اولسیله برجرمک وقوعنه مطلع اولان اشخاصک
حقوق عمومیه نک تأمین محافظه سی اساسه مستنداً
واولبابده کی مجبورت قانونیه به بناء مأمورین عائدنه
اعطا ایده جکلری اخبار نامه لرك دخی تمغا رسمندن
استثناسی جای تردد اولدینی افاده اولوجهله عدلیه
نظارت جلیله سندن مذکور استیناف محکمه سی مدعی
عمومیلکنه تبلیغ ماده قلمشدر

محاکمات مقدماتی

محکمه تمیز حقوق دائره سندن تنظیم واعطا
اولنان اعلامدر :

قسطمونی ولایتیه تابع ارکلی قصبه سی اهالی سندن
متوفی سایان افندی زوجه سی عایشه خانم واوغلی
محی الدین وفرونجی حسین واحد وحسن ویوسف
افندیلر حاجی احمد حاجی حسن قپودان ایله قصبه
مذکورده مقیم ارسالان اوغلی صراف دامیانوس
افندی بینلرنده متحدث دعویه دائر ارکلی بدایت
محکمه سندن تجارت صفی و ۲۰ نیشان سنه ۳۲۲
تاریخی و ۴۷ عددی ایله ویریلان اعلام مومی الیهمدن
یالکزر احمد ویوسف افندیلر طرفندن تمیز ایدیلکله
اعلام مذکور طرفینک اعتراض وجواب لایحه لریله
برابر بالمطالعہ تدقیقات تمیزیه اجراسنه ابتدار
قلندی .

اعلام مذکورک خلاصه مندرجاتی مومی ایله
دامیانوس افندینک فرونجی حسین زاده لر وشرکاسی
نام شرکت ذمتنده ایکی قطعه بونو موجبنجه آله جفی
اولان درتیوز قرق بش بحق عدد لیرای عثمانینک
شرکای مرقومه ایله کفیللری حاجی احمد ومحی الدین
وحاجی حسن افندیلردن تحصیانی واصل ایله کفلاهی
مومی الیهمک اموال منقوله وغیر منقوله لری اوزرینه
وضع ایلدیکی حجزک تصدیقی طلب ودعوی ایتسی
ولاجل المحاکمه تعیین اولنان کونده شرکای مومی الیهم
کله رک کفلاهی مرقومه نک دعوته اجابت ایتاملری
اوزرینه شرکای مومی الیهمک وجاهنده وکفلاهی
مومی الیهمک غیابنده جریان ایدن محاکمه ده مدعی
الیهمدن حسین افندی شرکتک وجودینی بعد الاقرار
مبرز سندده کی مهر وامضا کندیسینک اولوب انجق
سندات مذکورده دن یوز درت لیرالق سندک حاوی
اولدینی مبلغی آلمدینی ومدعابه مبالغه قارشو اقدجه
با علم وخبر نقداً بکرمی لیرا ومؤخرأ کور بدلندن
اون بر بیک غروش حواله مدعی دامیانوس افندی

واسطه سیله آورام افندی به ویردیکنی وحسن افندی ده
کندیسینک شرکت مذکورده برکونه علاقه و مشارکتی
اولمدیغندن دعوی واقع نک کندیسینه شموی
اوله میه جفی واحد ویوسف افندیلرده مومی الیه
حسین افندی ایله میانلرنده منعقد شرکتک ۲
کانون اول سنه ۳۲۱ تاریخنده فسخ ایدلیدیکی جهته
دین سندی برسنه صوکره ویرلش وکفیل ارا نه
قلمش ایدوکنی مدافعه درمیان ایتشلر ایدیه مبرز
سنداتک مستند الیهی اولان اوچ قطعه پوایچه لرك
فرونجی حسین زاده لر عنوانی حائز وشرکادن احمد
افندی طرفندن حسین افندی نامه کشیده قنوب
مخاطب طرفندن قبول اولمنسه وشرکادن هر برلرینک
شریک اولدینی مدعی الیهمدن حسین افندینک
اعترافده اولوب فسخ شرکت اولندیغنی ناطق برکونه
اوراق ثبوتیه ارا نه ایدیه مامسنه وشرکای مومی الیهم
میانلرنده منعقد شرکتک وجودی مقدما حقوق
محکمه سنجه اصولاً ثابت اولمنسه مبنی بخله نک بیک
اوچیز سکسانجی و بیک التیوز اونجی و تجارت
قانوننامه هایوننسک اون اوچنجی و اصول محاکمه
حقوقیه قانوننک یوز بشنجی ماده لری احکامنه توفیقاً
مدعابه درتیوز قرق بش بحق عدد لیرای عثمانینک
مدعی الیهمدن احمد وحسین ویوسف وحسن افندیلردن
تحصیلنه تأمینات قویه ارا نه ایدلیدیکی تقدیرده حکم مذکورک
شرکت حقنده موقتاً اجراسنه و اموال منقوله وغیر
منقوله اوزرینه موضوع حجزک تصدیقه ویکرمی لیرا
تسلیات حقنده حسن افندینک آورام افندی به
مراجعتده مختار اولمنسه اصیللر حقنده وجاهاً وکفلا
حقنده عند الاعتراض انکار وقوعنده ایجابنه باقلمق
اوزره غیاباً حکمدن واشبو حکم علیهنده مدعیلرک
لایحه سندن محرر اعتراضلرینک باشلوجه سی شرکتک
وجودی اصولی دائره سندن اثبات ایتدیرلمدیکی کی
نوع شرکتک دخی تعیین ایتدیرلماسی و اموال غیر
منقوله اوزرینه وضع اولنان حجزک تجارت محکمه
سنجه تصدیق ایداسی مغایر قانون اولدیغندن بخله
اعلامک نقضی ولایحه جوابیه مؤداسیده غیر وارد

اولان اعتراضات مسروده نك ردی و موافق اصول وقانون اولان اعلام مذکورك تصدیق استدعاسندن عبارتدر .

ایجابی لدی المذاکره اعلام مذکور مآلندن منقهم اولدینی اوزره مبرز سند زبرنده کی امضا ورته وکیلی عبارده سیله ورتهیه اضافتله وضع اولنش اولسنه نظراً ورته نك کیملردن عبارت اولدینك تحقیق اولنامسی وواضع امضا حسین افدینك اقرارنده کاذب اولدینغه متدائر اعتراضاتی مسکوت عنه برافلمسی و دیگر مدعی علیهمک شرکتی انکار ایلدیکری حالده شرکتک حقوق محکمه سنده بالینه اثبات اولنش اولدینی تحقیق اولتمسزین مدعی علیهمدن درت شخصدن مبلغ مدعا بهک تحصیلنه قرار ویریلهرک دیگرلری حقنده برشی دینلماسی و اموال محجوزه میاننده اموال غیر منقوله بولندینی حالده محکمه تجارتجه تصدیق ایلمسی ومبالغ مدعا بهک مستند اولدینی سند زیرینه موضوع امضا دخی شرکتک فسختدن صوکره وضع ایلدیکی یولنده درمیان اولنان اعتراضک دخی تدقیق اولنامسی و ویریلان حکمک اسباب قانونیه به استناد ایتدیرلمسی لازم کلور ایکن ایتدیرلماسی یولسز ومغایر قانون اولدینندن اصول محاکمه حقوقیه قانونک ایکی یوز اوتوز ایکنجی وایکی یوز قرق برنجی مادهلری موجبجه اعلام مذکورك قضیه قانون مذکورك ایکی یوز قرق دردنجی ماده سنك فقره اولاسی حکمنه توفیقاً کیفیتک بروجه مشروح بالرؤیه اعلامه ربطی ضمننده محکمه مذکوره به اعاده سنه ۱۷ ایلول سنه ۳۲۳ تاریخنده متفقاً قرار ویرلدی .

محکمه تمیز استدعا دائره سندن تنظیم واعطا قتلان اعلامدر :

سرفیچه سنجانی بدایت محکمه سی جزا دائره سندن استینافاً لاحق اولوب ۱۳ اغستوس سنه ۳۲۳ تاریخنده تفهیم قتلان قراری ناطق ۱۹ اغستوس سنه ۳۲۳ تاریخی وایکی یوز سکسان طقوز عدلی اعلامک تمیزاً تدقیقی مستدعی ولی بن محمد طرفدن معطی ۲۰ اغستوس سنه ۳۲۳ تاریخی استدعاینامه واوراق متفرعه سی باش مدعی عموملک مأموریت بهیه سنك ۱۷ تشرین اول سنه ۳۲۳ تاریخی تبلیغنامه سی ایله محکمه تمیز استدعا دائره سنه تودیع اولنش ولدی التدقیق مذکور استدعاینامه ک مدتی ظرفنده ویرلیدی وشروط قانونیه سنه موافق بولندینی اکلالمش اولدینندن بالقبول تدقیقات تمیز به اجراسنه ابتدار قلدی .

اعلام مذکورك خلاصه مالی مرقوم ولی ایله

دیگر مظنون احمدک بالئنازعه یکدیگری ضرب ایلدیکری عندالحاکمه استماع قتلان شهودک اخباراتی ویکدیگری سنه عطف جرمه منازعه بی اقرار ایلری ایله ثابت اولان فعل وحرکتلردن طولانی ولینک تحقیره جراتی سبب شدت عد اولنهرق جزا قانوننامه هایوننک یوز یتش طقوزنجی ماده سی حکمنه توفیقاً اون کون مدته حبسنه واحمدن مضروب ویرلمک اوزره برلیرا جزای نقدی اخذینه دائر لاحق اولان حکم ابتدائی علمینده مزبور ولی طرفدن اقامه اولنان استیناف دعواسی اوزرینه جریان ایدن محاکمه وتدقیقات نتیجه سنده صورت جریان محاکمه سی اصله موافق وتطبیقات قانونیه سی فعله مطابق کوریلان اعلام ابتدائینک تصدیقه قرار ویرلدیکنی متضمندر .

لاهیجه تمیزیه ده سبب شدت عد ایلیلان تحقیر ماده سی حقنده ایضاحات کافیه موجود اولدینی کی استینافاً سرد اولنان اعتراضات حقنده اسباب موجب قانونیه بیان ایلمکسزین اعلام ابتدائینک تصدیق جهته کیدلسی مخالف قانون ایدوکندن بخله اعلام استینافینک قضی استدعا ایلدشدر .

تبلیغنامه ده دخی اعتراضات مسروده نك بجای ایدوک بانیله اعلام مذکورك قضی لزومی کوسترلشدر .

عاده قتل قصدیه سلاح انداخت ایتدیکی ادعا اولنسندن دولای جنایتله اتهام اولنان حسنک اوج سنه مدته کورکه قولسنه دائر سیروز سنجانی بدایت محکمه سی جزا دائره سندن ویریلان ۴۰۴ نومرولی اعلام

جعفر اوغلی داودی ضرب ایده رک وفاته سببت ویردیکی ادعا اولنسنندن دولای جنایتله اتهام اولنان عبد القادرك بش سنه مدته کورکه قولسنه دائر قره سی سنجانی بدایت محکمه سی جزا دائره سندن ویریلان ۱۲۶ نومرولی اعلام

آغوب اوغلی نظر وقره بت اوغلی دیگر نظری قتل ایتدیکی ادعا اولنسنندن دولای جنایتله اتهام اولنان موسی وعلینک اون بشر سنه مدته کورکه قوللرینه دائر آقره ولایتی استیناف محکمه سی جزا دائره سندن ایکنجی دفعه اولهرق ویریلان ۷۵ نومرولی اعلام

لازار کھیایی قتل ایتدیکی ادعا اولنسنندن دولای جنایتله اتهام اولنان غوته ومارقونک اون بشر سنه مدته کورکه قوللرینه دائر سلانیک ولایتی استیناف محکمه سی جزا دائره سندن ویریلان ۵۶۱ نومرولی اعلام

یعقوبی قتل ایتدیکی ادعا اولنسنندن دولای جنایتله اتهام اولنان صغرتماچ حسن اوغلی خلیلک اون بش سنه مدته کورکه قولسنه دائر قلعه سلطانیه سنجانی بدایت محکمه سی جزا دائره سندن ویریلان ۳۰۴ نومرولی اعلام

احمد اوغلی صفرك زوجیه سی فردوس قادینی جرح وقتل ایتدیکی ادعا اولنسنندن دولای جنایتله اتهام اولنان اسماعیلک اون بش سنه مدته کورکه قولسنه وکالمک برائته دائر لازستان سنجانی بدایت محکمه سی جزا دائره سندن ویریلان ۴۰ نومرولی اعلام

قره واسیلی قتل ایتدیکی ادعا اولنسنندن دولای جنایتله اتهام اولنان مصطفانک اون بش سنه مدته کورکه قولسنه دائر تکفورطانی سنجانی بدایت محکمه سی جزا دائره سندن ویریلان ۵۰ نومرولی اعلام

قره بی قتل ومغربی جرح ایتدیکی ادعا اولنسنندن دولای جنایتله اتهام اولنان نیقوغوصک اون بش ومارقار وزازارک اوجر سنه مدته کورکه قوللرینه والیفونک دخی برائته دائر معموره العزیز ولایتی استیناف محکمه سی جزا دائره سندن ویریلان ۱۳ نومرولی اعلام

طاهرک خانیه سی یخچره لرینی قیرهرق ایچریویه

بالدخول زوجیه وکریمه لرله اوغلانی متسدد یرلردن جرح ایله تعطیل عضولرینه سببت ویردیکی ادعا اولنسنندن دولای جنایتله اتهام اولنان علی یوسفک یدی سنه مدته کورکه قولسنه دائر طاشلیجه سنجانی بدایت محکمه سی جزا دائره سندن ایکنجی دفعه اولهرق ویریلان ۲۱۶ نومرولی اعلام محکمه تمیز جزا دائره سنجیه تصدیق قلمشدر .

یحیی افدینک علی رضا افدینک اموالنه ایراث خسار ایتدیکی ثابت اوله میوب مومی ایله اطاله لسان ایتدیکی ثابت اولدینندن اوج کون مدته حبسنه

اسماعیلک علی بی جرح ایتدیکی ثابت اولدینندن صغرسنی حبسیله ولسنه تسلیمه

نورینک احدی ضرب و جرح ایتدیکی ثابت اولدینندن یکریمی کون مدته حبسنه

جیلک حسن افدینی ضرب و جرح ایتدیکی ثابت اولدینندن برهفته مدته حبسنه

کریم وحاجی بن حسن وشکری ینک یکدیگری ضرب و جرح ایتدیکی ثابت اولدینندن برهفته مدته حبسلرینه

مصطفانک احمد چاوشی جرح و اموالنه ایراث خسار ایتدیکی ثابت اولدینندن یکریمی کون مدته حبسنه

زینب وعایشه نك یکدیگری ضرب و جرح ایتدیکی ثابت اولدینندن برهفته مدته حبسلرینه

خرستونک شافینک تخره سنی سرقت ایتدیکی ثابت اولدینندن اوج ماه مدته حبسنه وختام مدت جزایه سنده ضابطه جه کفالتنه ربطنه

میکه نك خلاف ممنوعیت لوتاریه جیلای ایتدیکی ثابت اولدینندن ایکی بشلک جزای نقدی آلمسنه

عزیزک اجرای وظیفه حالسده پولیس شاكر افدیه اخافه قصدیه سلاح انداخت ایتدیکی ثابت اولدینندن محکومیت سابقه سنك سبب شدت عدیه یدی ماه مدته حبسنه

علینک تئوخاری بی ضرب و جرح ایتدیکی ثابت اولدینندن برهفته مدته حبسنه

نیقولینک پولیس سامی افدی ضرب ایتدیکی ثابت اولدینندن برهفته مدته حبسنه

خرستونک مقصودی ضرب ایتدیکی ثابت اولدینندن برهفته مدته حبسنه

دیتمزینک جاملری قیردینی ثابت اولان حرقلیدان اون بشلک جزای نقدی آلمسنه

قسطنینک دیتمزینی ضرب و جرح ایتدیکی ثابت اولدینندن برهفته مدته حبسنه

یورکینک ایکی باقتوطنی سرقت ایتدیکی تبین ایدن دیگر یورکینک اوج ماه مدته حبسنه

محمد تشهری سلاح ایتدیکی ثابت اولان حقینک برهفته مدته حبسنه

عبد الواحد وشریفه نك یکدیگری ضرب ایتدیکی ثابت اولدینندن برهفته مدته حبسلرینه

ابراهیم اغا ایله زوجیه وکریمه سنه اطاله لسان ایتدیکی ادعا قتلان احسان افندی ایله صفیه خاتمدن مزبوره صفیه خاتمک حرکت واقعه سی ثابت اولمغه یارم آلتون جزای نقدی آلمسنه واحسان افدینک برائته

ابراهیمک کوش بارچهرلری سرقت ایتدیکی ثابت اولان عثمانک اوج ماه مدته حبسنه وختام مدت جزایه سنده ضابطه جه کفالتنه ربطنه

یورکینک اشپاسنی سرقت ایتدیکی ثابت اولان دیستونینک اوج ماه مدته حبسنه وختام مدت جزایه سنده ضابطه جه کفالتنه ربطنه

ادهم وخیری افدیلرک قدری افدینی ضرب و جرح ایتدیکی ثابت اولدینندن ادهم افدیندن بر وخیری افدیندن ایکی آلتون آلتهرق مضروبو اعطاسنه

رفیقک خلاف نظام سلاح طاشدینی ورخی ضرب و امواله ایراث خسار ایتدیکی ثابت اولدینندن اون بش کون مدته حبسنه

بدروسک حق دخولی اولدینی حالده وارطوھی قادینک او طه سنه کیردیکی ثابت اولدینندن اون بشلک جزای نقدی اخذیه بر ایرکیمی درت ساعت مدته حبسنه

صالحک یاقوبی ضرب واطاله لسان ایتدیکی ثابت اولدینندن اون کون مدته حبسنه

اوده سیالک قوزمه بی ضرب ایتدیکی ثابت اولدینندن ایکی آلتون آلتوب مضروبو ویرلسنه

آریستیدینک واسیلی ضرب ایتدیکی ثابت اولدینندن بر آلتون آلتوب مضروبو اعطاسنه

خلاف نظام سلاح طاشدینی ادعاسیله مظنون استاورینک حرکتی ثابت اولدینندن بش بشلک جزای نقدی آلمسنه

عارفی ضرب و امواله ایراث خسار ایدن صدیقه خاتم ایله مزبورینی ضرب ایلدیکی دعوی اولنان مرقوم عارفک اجرا قتلان محاکمه لرنده صدیقه خاتمک ادعا اولنان فعللره اجستاری ثابت اولدینندن اون بش کون مدته حبسنه وعارفک مزبورینی ضرب ایتدیکی اکلاشیله مدینندن برائته

پنایوطک جاملری قیردینی ثابت اولان مارقونک اون بشلک جزای نقدی آلمسنه وجام بدلی اون النی غروشک تضمین ایتدیرلسنه

میخال وواسیلک آشچی میخاله اطاله لسان ایتدیکی ثابت اولدینندن یارمشر لیرا جزای نقدی آلمسنه

ماریشه نك نام آخره محرر مروردن کره سنی استعمال ایلدیکی ثابت اولدینندن برهفته مدته حبسنه

بک اوغلی بدایت محکمه سی جزا دائره سنجیه قرار ویرلشدر .

مخبرات از نوابانیه

نابلس سنجانی بدایت محکمه سی مستطقی سلیم افدینک مواد معینه ده خلاف قانون معاملات متجاسر اولدینی سوریه و بیروت ولایتلری عدلیه مفتشکلندن وارد اولان اوراق تحقیقه محتویاتندن مستبان اولسنه مبنی بالعزل اجرای محاکمه سنه عدلیه نظارت جلیله سنجیه مأذونیت ویریلهرک بیروت ولایتی استیناف محکمه مدعی عومیلکک تبلیغات مقتضیه ایفا ایلدشدر .

بوی آباد قضای نابی و بدایت محکمه سی رئیس ابراهیم افدینک مواد معینه ده وظیفه مأموریتی سوء استعمال ایتدیکی قسطنونی ولایتی استیناف محکمه سی مدعی عومیلککندن وارد اولان اوراق تحقیقه مندرجاتندن مستبان اولسنه مبنی محاکمه آلمسنه عدلیه نظارت جلیله سندن مأذونیت ویریلهرک مدعی عومیلکک تبلیغات مقتضیه ایفا و رئیس مومی الیه ک کیفیت محاکمه سندن طرف عالی مشیختنهای ده معلومات اعطا قلمشدر .

الاعانات

نجات مجرمه سنده

غلظه ده بطریق زقاغنده مقیم تجارتدن لوی وریغوچینک ۸ کانونانی سنه ۳۲۳ تاریخندن اعتباراً اعلان افلاسنه ومصالح افلاسنه نك رؤیت وتسویه سی ضمننده اعضای محکمه دن سعادتو ابراهیم بک ژورقومیسر واداره مخصوصه وکیلی محمد طلعت بک ایله دعوی وکیللردن شمعون لوی افدینک موقت سندیک تعیینلرینه ومغازسیله اشپای زانده یتیم سنك تمهرینه واوراق ودفاترینک جلبنه وكفالت مصدقه ارانه ایده مدیکی تقدیرده حبس وتوقیفه و یوایدکی قرارک موقتاً اجراسنه تجارت بحریه محکمه سنجیه قرار ویرلش اولدینندن قانوننامه تجارتک ۱۷۰ نجی ماده سی موجبجه دائمی سندیکر انتخاب اولوق اوزره اشبو ۳۲۳ سنه سی شیطانک اون دردنجی بخشبیه کونی

ساعت یدی راده لرنده اصحاب مطلوبك محكمه مذكوره نك مصالح افلاسيه رؤيته مخصوص او طه سنه كلري اعلان اولنور .

مكتمل نجات امره داوره سنده :

حطب تجارندن رجب افنديك حطب قوسنده مقيم ايكن اليوم اقامتكاهي مجهول بولنان حطب تجارندن يوردان ولد كرياقو عليه متصرف بولنديني حفظ الرحمن سفينه سنه متعلق برقطه مقاوله نامه موجبنجه سكر بيك غروش مطلوبك مع گذشته تحصيلي وجز موضوعك تصديقي حقنده اقامه ايتديكي دعوى اوزرينه مبلغ مداهيك مع گذشته تحصيلي ومذكور سفينه ممتاز اولان مقدمي دايك آله جني تسويه اولندقدن صوكره باقي قاله حق مبلغدن دين مبحوث تسويه اولنق اوزره جز موضوعك تصديقي حقنده تجارت بحريه محكمه سندن لاحق اولان وصورتی غزته لرله ۱۵ كانون اول سنه ۳۲۳ تاريخنده اعلاناً تبليغ قلنان ۲۲ اغستوس سنه ۳۲۳ تاريخي ويوز سكسان بر نومرولي اعلام غيابي موقع اجرايه وضع ايله تنفيذ حكمي طلب واستدعا اولنديغندن مديون مرقوم يوردان ولد كرياقو تاريخ اعلاندن اعتباراً طقسان بركون ظرفنده دائره اجرايه اثبات وجود ايله بموجب حكم اعلام ايفاي دين ايتسي وقانوناً قبوله شايان براعتراضي اولديني حاله مدت مذكوره درميان ايلسي لازم كله چكي وعكسي تقديرده حكم اعلامك انفاذينه ابتدارله معاملات مقتضيه قانونيه نك ايفاي قلنه جني معلومي اولق اوزره تنظيم ايديلان اشبو اخبارنامه مديون مرقومك اقامتكاهي اليوم مجهول بولنق حسييله اصول محاكمه حقوقيه قانونيك يكرمي التجي واجرا قانونيك يكرمي طقوزنجي ماده لري احكامه توفيقاً مرقوم يوردان ولد كرياقويه تبليغ ايدلمش عد اولنق اوزره محكمه تجارت اجرا دائره سي ديوانخانه سنه تعليق اولنديني كبي غزته لرله دخي اعلاننه ابتدار قلندي .

بك اوغلي بدایت محكمه سي امره داوره سنده :

مرحوم حاجي صائب پاشا كريمه سي اسما خانمك خزينه خاصه شاهانه نظارت جليله سي محاسبه جيلكسك نظارتی آلتده اداره ايدلمكده اولان اغوات صندوق نقودندن استقراض ايدوب اعطاسنه محكوم اولديني سكسان بر بيك درتيوز غروش آلتون اچقه نك مع فائض و مصارف محاكمه تأمين تحصيل واستيفاسي ضمنتده مديونه مومي اليهانك عهده تصرفنده اولوب صندوق مذكوره قارشو وفاء مفروغ

وفروختي محكوم بولنان غلطه ده كانكش قره مصطفى پاشا محله سنده خليل پاشا زقاعنده كائن تخميناً يوز التي آرشون عرضه اوزرينه مبني آلتده اوچ باب دكاني وطقوز او طه يني حاوي وحال حاضرده شهري اون التي ليرا يتمش بش غروش والتي مجيدي ايجاره متحمل يكرمي التي ويكرمي سكر نومرولرله مرقم سنينالي خان ديمككه عريف بر باب كار كيرخان دروننده مستقر يوز يكرمي سهم اعتباريله طقسان سهم ياغجي كدكي لدی المزايده اللييك غروش آلتون اچقه بدل ايله طالبي عهده سنده تقرر ايدره موقت قرارداديه سي كشيده قلنمش اولديغندن اشبو تاريخ اعلاندن اعتباراً اوتوز بر كون ظرفنده املاك مذكوره به لاقول يوزده بش ضم ايله طالب اولانلرك يوزده اون نسبتنده كي ديوزيتو اچقه لرني استصحاباً بك اوغلي بدایت محكمه سي اجرا دائره سنه مراجعت ايللري ومدت مذكوره نك ختامه مصادف كله چك شباطك اون سكرنجي بازارايرتسي كوني ساعت طقوز راده لرنده محلنده صوك مزايده عليه اجرا وقرارداده قطعي سي كشيده ايدلك اوزره املاك مذكوره پيشكاهنه عزيمت ايديه چك اولان مأموري مواجهه سنده حاضر بولنلري اعلان اولنور .

اونيك اولكيانك مادام آقابي رئيسان ذمتنده بك اوغلي بدایت محكمه ايكنجي حقوق دائره سي اعلاميله محكوم به آله جني اولان مبالغ معلومه نك تأمين استيفاسي ضمنتده مديونه مزبوره نك عهده تصرفنده بولنان هكبه لي آطه ده حشمت بك زقاعنده سكر نومرو ايله مرقم ابنيه سي ملك زميني وقف اولوب سنوي اوچ غروش مقاطعه به مربوط بولنان مقدما خانه واليوم يوزي اون بش آرشون اون بر پارمق ودرينلدي بش آرشون بش پارمق كه بحساب تربيعي يتمش سكر آرشون مقدارندن عبارت برقطه عرصه نك تاريخ اعلاندن اعتباراً اون بش كون صوكره بالمزايده فروخته تشبث اولنه جغندن طالب اولانلرك بك اوغلي بدایت محكمه سي اجرا دائره سنه مراجعت ايللري اعلان اولنور .

بصره تجارت محكمه سنده

تبعه دولت عليه دن بصره نك مناوي پاشا محلنده تجارتكاهي اولوب سيف محله سنده مقيم ايكن بصره تجارت محكمه سندن افلاسيه حكم اولنمش اولان تجارندن منشي بن حسييل كارحك خصوصات افلاسيه سندن رؤيت وتسويه سي ضمنتده بصره ولايتي مکتوبی قاهی كته سندن صالح ودعوي وکیللرندن عمر فوزي بك وتجارندن انطون انكورلي افنديلر اصالة سنديك تعيين

قلنمش اولدقلرندن مفلس مرقوم ذمتنده آله جني اولانلرك قانوننامه تجارتك ۱۹۹ و ۲۰۰ نجی ماده لري موجبنجه تحقيق ديون ايجون تاريخ اعلاندن اعتباراً يكرمي بر كون ظرفنده سنداتي محكمه كاتبه تسليم ايللري ومدت مذكوره ختامندن صوكره اوچ كونده يعني ۳۲۳ سنه سي كانون تائيسك التجي بازار ويدنجي بازارايرتسي وسكرنجي صالي كونلري بصره تجارت محكمه سندن مصالح افلاسيه رؤيته مخصوص او طه سنه كله نك سنديك افنديلر مواجهه سنده آله جقلريني اثبات وقيد وتصديق ايتديرملري ومدت مذكوره ده اثبات وجود ايديه ميان آله جقلولر حقنده قانون مذكورك ۲۱۰ نجی ماده سنه توفيقاً ايفاي معامله اولنه جني اعلان اولنور .

ازمید سنجانی بدایت محكمه سي امره داوره سنده :

اذمیده پرتو پاشا جامع شريفك دور خواننه ومدرسه نك طعاميه سنه مشروط نقود موقوفه سندن اولوب متوليسي نافذ افنديك ايكي قطعه مقتضي اعلامي موجبنجه اذمیده چقور باغ محله سي ساكنلرندن زنجي امين چاوش ذمتنده آله جني اولان مبالغ معلومه نك تأمين استيفاسي ايجون مديون مرقومك متصرف اولديني اذمیده تابع بور اوغلي قريه سنده قوجه يرين موقعنده كائن معلوم الحدود تخميناً اون دوئندن عبارت برقطه قورينك درت حصه دن اوچ حصه سي اوچيوز وينه قريه مرقومه ده يعقوب يغيننده كائن معلوم الحدود اوتوز دوئني حاوي برقطه قورينك نصفك سكرده التي حصه سي درت حصه اعتباريله اوچ حصه سي اوچيوز وينه قريه مرقومه نك طوبراقلي موقعنده واقع معلوم الحدود التي دوئني حاوي برقطه قورينك نصفك سكرده التي حصه سي درت حصه اعتباريله اوچ حصه سي ايكي يوز وينه قريه مرقومه نك كل باغچه موقعنده كائن يدي دوئني حاوي برقطه قورينك سكرده التي حصه سي درت حصه اعتباريله اوچ حصه سي ايكي يوز غروشمه طالبي عهده سنده تقرر ايتمش اولديغندن يوزده بش ضم ايله طالب اولانلرك تاريخ اعلاندن اعتباراً اوتوز بركون ظرفنده دائره اجرايه مراجعتله بي سورملري ومدت مذكوره انقضاسني متعاقب قرار قطعي سي كشيده قلنه جغندن آندن صوكره ضم قبول اولننه جني اذمید سنجانی بدایت محكمه سي اجرا دائره سندن اعلان اولنور .